

**PENDARIES (Guillaume), notaire de Villemur, Villemur-sur-Tarn, minutes 1604, f° LXXXI (v°) & ss., Archives départementales de la Haute-et-Garonne, cote 3 E 21758, PH/JCHR/424.**

Testement de anthoine riviere brassier  
habit(ant) de villemeur

Au nom de dieu soit tous p(rese)ns et advenir  
que ce( )jourduy **vingt sixiesme** du moys de **mars [1604]**  
appres midy dans **villemeur** et **mai(s)on de s(i)re arnauld  
godin situee a( )la rue ditte de conquesy** etc regnant  
henry etc pardevant moy no(taire) et tesmoings baz  
nommes constitue en sa personne **anthoine riviere  
brassier habitant de villemeur** lequel gisant dans ung  
lict a( )la salle (h)aulte de lad(ite) mai(s)on respondant sur la  
sugd(ite) rue detenu de certaine maladie corporelle  
toutesfois en ses bons sens et parfaicte memoire  
bien parlant voyant ouyssant et cognoissant  
considerant la mort corporelle luy estre certaine  
et l( )heure d( )icelle incertaine a voleu pourveoir au  
salut de son ame et disposer des biens temporelz q(ue)  
dieu luy a donnees en ce monde de son bon gre et  
franche volonte non induit a( )ce f(air)e cedit ny suborne ainsy  
q(ue) a dit ains de sa certe science a fait dit et  
ordonne son testament no(n)cupatif en la forme et  
maniere q(ue) s ensuit premierement par ce q(ue) les  
choses espirituelles sont plus dignes q(ue) les temporelles  
icelles doibvent prefferer a fait le signe de la croix  
sur sa [per]sonne disant in nomine patris &  
filii spiritus sancti amen a recomandé son  
ame a dieu le pere tout puissant au filz et

.....  
Lxxxii

au saint (e)sprit ung dieu en troys [per]sonnes le  
prie q(u)i luy plaize par l( )intercession de la  
glorieuze vierge marie et de tous les bien heureux  
saintz e(t) saintes de paradis la separa(ti)on faicte de son  
ame avec le corps icelle ame collocquer en son royaume  
celeste de paradis et q(ue) sond(it) corps soit ensepvely au  
**cemitiere saint jean** de villemeur **hors les murs**  
et veult led(it) testateur q(ue) led(it) jour de sa cepulture  
soient convocques et appellees troys p(rest)bres messes  
chantans et au(tr)es divins offices pour son ame et ~~deux~~[  
ausquelz p(rest)bres et a ch(ac)ung d( )iceulx veult estre paye  
par son hoire bas nom(m)ee la somme de cinq solz t(ournoi)z  
sans refection corporelle et q(ue) luy soit allule quatre  
torches ch(ac)une du poix de demy livre item veult  
q(ue) la novene luy soict suivie par neuf jours ch(ac)ung  
desquelz veult estre convocques au(tr)es troys p(rest)bres po(u)r  
dire messe et prier dieu pour son ame et veult leur  
estre paye com(m)ee dessus et q(ue) luy soit offert pain vin  
et lumiere et pareilhes honneurs feuneraillhes  
veult luy estre faictes au bout de l( )an de son deces

comme le jour de sa sepulture item donne et  
legue led(it) testateur pour honneur de dieu a ch(ac)ung  
bassin courant an l( )eglize de villemeur troys den(iers)  
payables le jour de sa sepulture donne et legue  
led(it) testateur a **pierre chaubard forgeron des filholz**  
**son fre(re) uterin** pour tous droitz et actions q(u'i)l pourroit

.....

prethendre sur ses biens et heredite la som(m)e de cinq  
soulz t(ournoi)z une fois payables par son hoire bas no(mme)e dans  
l( )an de son deces et moyenant ce veult q(u'i)l ne puisse  
au(tr)e chose demander sur sesd(its) biens a sad(ite) hoire bas nom(me)e  
item donne et legue a **pierre lamothe son co(u)sin**  
la som(m)e de cinq soulz t(ournoi)z com(m)e faict aussy a ch(ac)ung  
de ses au(tr)es parens quy pourroient prethendre sur sesd(its)  
biens et par ce q(ue) le chef e(t) fundement de tous  
testemens est l( )institution d( )hoir ou hoire et que sans  
icelle tous testemens sont ditz invalables a ceste  
cause led(it) riviere testateur en tous et ch(ac)ungs ses  
au(tr)es biens tant meubles q(ue) immeubles droitz voix  
noms et actions q(ue)lqonques ou q(ue) soient ny ou q(ue) non  
et par quelles [per]sonnes qu( )ilz soient detenus a faict  
et instituee son hoire universelle et generale et  
de sa bouche l( )a nommee et surnommee savoir est  
**jeanne vidalle sa belle mere vefve a feu alexandre delbosc**  
habitante de villemeur en considera(ti)ons des bons bons  
offices qu( )il en a receus reçoit pendent sa maladie  
et espere recepvoir a( )l( )advenir pour d( )iceulx en f(air)e  
et disposer a ses plaisirs et volentes tant a( )la  
vie co(mm)e a( )la mort co(mm)e ung ch(ac)ung faict de sa  
cause propre a la charge de paier et acquitter les  
susd(its) legatz debtes et charges sy point en y a et  
nottement a m(aîtr)e **anthoine vacquier bachelier** une  
hemine bled a **jean chaubard dit thony des filholz**

.....

Lxxxiii

au(tr)e hemine bled et vingt soulz argent et a  
**guilh(aume) malaret forgeron** cinquante soulz t(ournoi)z qu( )il leur  
doibt sans q(u'i)l y ayt cedulle ny( )inst(rument) et ce dessus a  
dit estre son der(nier) et valable testament no(n)cupatif  
cassant revocquant et du tout annullant tous  
au(tr)es testemens codicilles et donna(ti)ons sy point en y a  
de faictz ou faictes exepte le p(rese)nt q(u'i)l veult q(ue) vailhe et  
soit valable par droit de testament no(n)cupatif et  
sy ne valloit par droit de testament no(n)cupatif veult  
q(ue) soit valable par droit de codicille et sy ne valloit  
ou pouvoit valoir par droit de codicille veult q(ue) vailhe  
et soit valable par droit de donna(ti)on faicte en(tr)e les  
vifz a jamais yrrevocable et par tout au(tr)e droit  
uz stil et coustume q(ue) mieulx pourra valoir priant  
e(t) suppliant les tesmoings bas nommes par luy recogneus  
et nommes l( )ung apres l( )au(tr)e luy porter tesmoniage

de verite et ce souvenir de son p(rese)nt testament et  
volonte derniere et a( )moy susd(it) no(taire) luy en( )retenir inst(rument)  
ce qu( )ay faict ez presances de guill(aume) timbal anthoine  
pendaries praticiens / arnauld cotinel jacques faget  
m(e)usniers ramond marti jean costans jean faure brassiers  
de villemeur les toutz habitans soubzsignes lesd(its) timbal  
et pendaries les au(tr)es et le testateur a dit ne scavoir  
et de moy

Pendaries, p(rese)nt

Timbal,

p(rese)nt

Pendaries, no(taire)